

Zbirka medijskih objava

VladaBrckoDistrikta_kliping_dnevno,
za razdoblje 17. 2. 2019

Broj objava: 9

Internet: 8

Televizija: 1

Teme praćenja:

Vlada Brčko Distrikta: 2

Brčko: 9

Gradonačelnik Brčko: 0

Internet	Naslov	Brčko: Učenici Ekonomske škole obilježili Dan zaljubljenih (FOTO / VIDEO)		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 15. 2. 2019		
Stranica u zbirci: 6	Autor	Unknown		
	Teme	Brčko		

Internet	Naslov	Vijeće mladih planira organizovati Susrete mladih u Brčkom		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 15. 2. 2019		
Stranica u zbirci: 8	Autor	Sanita Jerkovic Ibrahimovic		
	Teme	Vlada Brčko Distrikta , Brčko		

Internet	Naslov	Brčko: Regulacija korita Brke u gradu		
Serijski br. 3	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 15. 2. 2019		
Stranica u zbirci: 10	Autor	Suvad Alagić		
	Teme	Vlada Brčko Distrikta , Brčko		

Internet	Naslov	Međunarodni dan djece oboljele od raka		
Serijski br. 4	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 15. 2. 2019		
Stranica u zbirci: 12	Autor	Miljana Đurđević		
	Teme	Brčko		

Internet	Naslov	Tuzlak Almir Hukić kroz fotografije prikazuje ljepotu ptičijeg svijeta		
Serijski br. 5	Medij; Doseg	Klix.ba; 1.524, Bosna i Hercegovina		
	Rubrika, Datum	Ostalo; 16. 2. 2019		
Stranica u zbirci: 23	Autor	N. N.		
	Teme	Brčko		

Televizija	Naslov	Mjesec kineske kulture		
Serijski br. 6	Medij; Doseg	Alternativna televizija Banja Luka; , Bosna i Hercegovina	08:00	Trajanje: 12 min
	Rubrika, Datum	Vikend večera; 16. 2. 2019		
Stranica u zbirci: 24	Autor	Aleksandra Marinković		
	Teme	Brčko		

Internet	Naslov	Brčanke protiv Tuzlanki 3:0		
Serijski br. 7	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 16. 2. 2019		
Stranica u zbirci: 34	Autor	Unknown		
	Teme	Brčko		

Internet	Naslov	Poliglota institut u Brčkom mjesto okupljanja i razvoja talenata		
Serijski br. 8	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 17. 2. 2019		
Stranica u zbirci: 36	Autor	Unknown		
	Teme	Brčko		

Internet	Naslov	Brčko: Radovi na Gradskom stadionu počinju u aprilu		
Serijski br. 9	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 17. 2. 2019		
Stranica u zbirci: 38	Autor	Unknown		
	Teme	Brčko		

Brčko: Učenici Ekonomske škole obilježili Dan zaljubljenih (FOTO / VIDEO)

[ebrcko.net/vijesti/vijesti-brcko/59712-brcko-ucenici-ekonomske-skole-obiljezili-dan-zaljubljenih-foto-video](https://www.ebrcko.net/vijesti/vijesti-brcko/59712-brcko-ucenici-ekonomske-skole-obiljezili-dan-zaljubljenih-foto-video)

petak, 15 februar 2019 13:27


Autor **eBrcko**

Kategorija: Vijesti **Brčko**



Povodom Dana zaljubljenih Vijeće učenika JU Ekonomske škole **Brčko** je organizovalo školsku zabavu u četvrtak, 14.02.2019. godine od 13,00 do 14,00 u sportskoj sali naše škole.

Simbolici i zanimljivosti zabave doprinijeli su učenici smjera kuhar (3-9) koji su sa svojim nastavnikom pripremili kolače – šarena jestiva srca.



Organizacija zabave, pripremni sastanci, dogovori, raspodjela obaveza, pripremanje i podjela kolača pokazali su opravdanost ove aktivnosti jer su učenicima omogućili da se druže, pokažu kolektivnih duh, spremnost i sposobnost timskog rada, organizacione sposobnosti, vještine u praktičnom radu i odgovornost.

Sretan Dan zaljubljenih !

Vijeće učenika JU Ekonomske škole **Brčko**

<https://www.ebrcko.net/vijesti/vijesti-brcko/59712...>

3 / 3



<https://youtu.be/5-hj73DtZ3Q>

Vijeće mladih planira organizovati Susrete mladih u **Brčkom**



Nakon što je krajem prošle godine 12 nevladinih omladinskih udruženja, kao krovnu organizaciju, osnovalo Vijeće mladih **Brčko** distrikta BiH, potpisan je i Memorandum o saradnji sa **Vladom Distrikta**.

Predsjedavajući predsjedništva Vijeća mladih, Željko Novaković, naglasio je, da ova organizacija ima veliku odgovornost prema mladima, te da su već uveliko započele pripreme na aktivnostima koje su planirali da realizuju.

Od niza aktivnosti koje planiraju realizovati, Novaković izdvaja ove godine Susrete mladih u **Brčko** distriktu gdje bi se okupili mladi iz cijele BiH i regiona, i gdje će biti predstavljeni najveći problemi mladih – odlazak iz države i teška mogućnost zaposlenja.

Jedna od članova tročlanog predsjedništva, Tea Ružić, kazala je da je od svega najbitnije da mladi sada imaju krovnu organizaciju, odnosno kako je navela prvi dom gdje će se moći obratiti ukoliko imaju problem.

„A mi imamo tu mogućnost i privilegiju da i pregovaramo sa institucijama vlasti, i sa izvršnom i sa zakonodavnom, da predložimo i proračune, i rješenja za stipendije, za sve projekte koje mladi žele da se odrade ovdje u **Brčkom**“, pojasnila je Ružić.

Dodala je i da se planira saradnja sa ostalim vijećima mladih unutar BiH, ali i prekogranična saradnja sa susjednim zemljama, prvenstveno Srbijom i Hrvatskom, ali i dalje.

Također, član tročlanog predsjedništva Vijeća Harun Šabanović, istakao je i da se aktivno radi i na pronalaženju adekvatnog prostora za rad ove organizacije.

„To će biti u Omladinskom centru. Tamo se i sastajemo i imamo sastanke. Za početak to nam je privremena lokacija gdje još čekamo da nam se opremi kancelarija“, rekao je Šabanović.


Prema njihovim riječima, od predstavnika vlasti dobili su i obećanje da će redovan rad ove organizacije biti potpomognut iz budžetskih sredstava, pored činjenice da kao i sve ostale nevladine organizacije imaju mogućnost da apliciraju na projekte. Na kraju, predstavnici Vijeća mladih pozivaju i ostala brčanska omladinska udruženja da im se priključe i tako podrže rad ove organizacije, jer kako ističu, zajedno će biti jači.

Brčko: Regulacija korita Brke u gradu



Prvi dio regulacije korita rijeke Brke u gradu u dužini od 1,5 km uzvodno od ušća u Savu urađen je prije rata. Posao je nastavljen prošle godine planom regulacije novih 710 metara korita Brke u gradskoj zoni.

Ljiljana Zenunović, šefica Vladinog Pododjela za šumarstvo i vodoprivredu je za *Radio Brčko Distrikt* kazala da je iz IPA – a fondova EU za posao regulacije dijelova korita rijeke Brke, nakon velikih poplava iz 2014. godine, obezbijedeno oko 2,2 miliona KM, za ovu fazu poslova. Pripremni radovi započeli su krajem 2018.godine.



[1]
Ljiljana Zenunović

Cilj projekta je povećanje stepena zaštite od poplava okolnog područja, ljudi i dobara i tehnički i estetski urađeno i očišćeno riječno korito.

Zatvaranje finansijske konstrukcije za regulaciju ovog dijela korita rijeke Brke omogućeno je iz sredstava IPA- fondova EU, a čitavu proceduru je provodila Delegacija EU u BiH u Sarajevu.

Radovi podrazumijevaju geomehaničko čišćenje korita za postavljanje betonskih ploča, i taj dio posla je završen.

Sem uređenijeg korita dobiće se i pozitivni eko – efekte na okoliš u blizini Brke.

„Rok za izvođenje radova je godinu dana i biće nastavljeni čim to vremenske prilike dozvole“, još je pojasnila Zenunović.

Међународни дан дјете обољеле од рака



У цијелом свијету 15. фебруар се обиљежава као Дан дјете обољеле од рака.

Сврха обиљежавања овог дана је информисати јавност о раку у дјете, прикупити средства кроз различита догађања и промовисати рад локалних родитељских удружења.

Организатори и покретачи обиљежавања овога дана вјерују да свако дијете обољело од малигне болести заслужује најбољу могућу медицинску и психолошку његу без обзира на земљу његовог рођења, расу, те финансијски или социјални статус. Рак је други најчешћи узрок смртности дјете у доби од једне до 14 година одмах иза саобраћајних несрећа. У БиХ годишње 100 дјете оболи од неке малигне болести.

У **Брчком** не постоји удружење које се бави питањем обољеле дјете од рака, али постоји Удружење обољелих од малигних обољења „Брчанско срце“.

„Ми немамо прецизне податке, али евидентно је да у **Брчком** има доста дјете обољеле од карцинома свих етиологија. Један од разлога због чега немамо тај податак је што родитељи једноставно не скупје храброст да се јаве у удружење и у нашем удружењу нема регистровано ни једно дијете”, каже Ферида Халиловић, председница Управног одбора Удружења „Брчанско срце“

Она наглашава да је родитељима приликом лијечења њихове дјете велика подршка родитељска кућа која постоји у Сарајеву гдје дјеца која се лијече имају могућности повремено тамо боравити са родитељима. Отварање родитељских кућа најављено је и у Тузли и Бањалуци.

У нашој средини, рак је још увијек табу – тема. За већину људи причати о раку веома је тешко, понекад и неприхватљиво. Рак није смртна пресуда и највећи дио дјеце с малигним болестима данас се успјешно излјечи.

У дјечјој доби најчешће су малигне болести леукемија, тумори мозга, лимфоми, затим други тумори. Дјеца, такође, боље подносе терапију од одраслих. Међутим, будући да лијечење може имати и нежељене посљедице, дјеца која се излјече захтијевају дуготрајан и пажљив надзор.

Према процјени Међународне конфедерације организација родитеља дјеце обољеле од рака и Међународног удружења за борбу против рака, данас више од 160.000 дјеце годишње оболи од рака, а свега њих 20 посто Међународни има приступ модерном лијечењу.



Tuzlak Almir Hukić kroz fotografije prikazuje ljepotu ptičijeg svijeta

Ljepotu ptičijeg svijeta u Bosni i Hercegovini već nekoliko godina kroz fotografije prikazuje Tuzlak Almir Hukić. Zahvaljujući ovom zanimljivom hobiju Hukić je dosad upoznao okvirno 25 vrsta ptica, a u razgovoru za Klix.ba kaže da naša zemlja predstavlja pravi raj za ovakvu vrstu životinja.

Ljepotu ptičijeg svijeta u Bosni i Hercegovini već nekoliko godina kroz fotografije prikazuje Tuzlak Almir Hukić. Zahvaljujući ovom zanimljivom hobiju Hukić je dosad upoznao okvirno 25 vrsta ptica, a u razgovoru za Klix.ba kaže da naša zemlja predstavlja pravi raj za ovakvu vrstu životinja.

Ovaj Tuzlak kao amater već nekoliko godina fotografiše ptice, a ljubavi prema ovakvoj vrsti umjetnosti prethodilo je posmatranje ovakve vrste životinja.

Sve ga uvele u ptičiji svijet

Sve je krenulo od trenutka kada je na fotografiji ugledao takozvanu veliku sivu sovu koja ga je fascinirala, a nakon toga počeo je istraživati i o drugim vrstama. Dosad je imao priliku susresti se sa malom i velikom ušarom, buljinom, kukuvijom i ćukom.



Foto: Privatna arhiva

"Smatram da su sove fascinantna vrsta u životinjskom svijetu i na neki način su meni predstavljale ulazna vrta u ptičiji svijet", kaže Hukić za Klix.ba kojeg pored sova fasciniraju i grabljivice.

S obzirom na to da je prije nekoliko godina obavljao terenski posao, Hukić je imao priliku obići cjelokupno područje sjeveroistočne Bosne i Hercegovine te se na takav način susresti s brojnim vrstama ptica.

"Često sam imao priliku vidjeti grabljivicu u letu i u tim trenucima bih automobil parkirao pored ceste te ih posmatrao kako lete, stvarajući time neki svoj interni ritual koji mi prčinjava zadovoljstvo godinama. Na osnovu tog rituala javila mi se potreba da vidim koje su to vrste ptica, a što je najvažnije, javila mi se velika potreba da ih fotografisem, posebno u letu", ističe Hukić.



Foto: A. K./Klix.ba

Mali fotoaparat s velikom mogućnošću zumiranja našem sagovorniku u počecima je bilo sasvim dovoljan, a njegove prve fotografije nastale su na jezeru Modrac u Lukavcu.

"Kako se hobi razvijao javljala se potreba za nadogradnjom, odnosno nabavljanjem dobre opreme koju posjedujem već dvije godine", dodaje Hukić.

Do danas je fotografisao okvimo 25 vrsta ptica, a kako nam je kazao ova aktivnost je izuzetno zahtjevna. Da bi se dobila jedna ili dvije dobre fotografije potrebno je napraviti veliki broj "okidanja".



Foto: Privatna arhiva

"Vama se ptice neće nanještati, niti će vas čekati kako biste podesili postavke na aparatu. Morate brzo reagovati i imati kvalitetnu opremu. Što više terena obiđete postajete sve bolji fotograf, jer znate kako se koja vrsta ptice ponaša, gdje je možete pronaći i slično. Uхватiti pticu u letu uvijek je imperativ, a kao jedan od uzusa ptičije fotografije nameće se to da uvijek oko ptice mora biti u fokusu te da uvijek morate poštovati njen integritet. Nikada je ne smijete slikati uz pomoć blica, niti koristiti buku i privlačiti pažnju kako biste dobili dobru fotografiju", pojašnjava naš sagovornik.

Brojne ptice na lukavačkom Modracu

Jezero Modrac predstavlja jednu od najvećih akumulacija u BiH i samim tim je pogodan za ptice koje obitavaju na vodama. Tokom čitave godine na ovom jezeru se nalazi najveća kolonija velikog vranca, odnosno kormorana - ultimativna vrsta ptice koja pliva, leti, roni i hoda, a hrani se ribom.



Foto: Privatna arhiva

"Kolonija u kojoj on obitava naslonjena je na branu kojoj u krugu od 100 metara niko ne može prići. On je zaštićen na tom mjestu i nema uznemiravanja kao na drugim lokacijama", ističe Hukić te naglašava da je prema zakonima veliki vranac, odnosno kormoran zaštićena vrsta.

Na ovom jezeru dvije do tri sedmice u ljetnom periodu moguće je vidjeti i jato malih bijelih čaplji koje slove za elegantne i prelijepe ptice.

"U zimskom periodu ovdje dolazi i velika bijela čaplja, a koju pored Modraca možete vidjeti i na bari Mosorovac kod Lukavca. Ona se često izvuče iz trstike u potrazi za malim ribama, odnosno hranom. Tu su također i razne vrste patki, a riječni i morski galebovi ovo jezero posjećuju zimi", nastavlja Hukić.



Foto: Privatna arhiva

Imao je priliku fotografisati i najzastupljeniju pticu grabljivicu - škanjac mišara.

"To je posebna vrsta grabljivice koju dok se vozite možete vidjeti na raznim bilbordima, stubovima, saobraćajnim znakovima ili drveću pored puta. Obično su pomješani s jastrebovima, ali predstavlja univerzalnu grabljivicu koja je veoma prilagodljiva uslovima", kaže nam Hukić koji je objektivom svog fotoparata zabilježio i najvećeg orla u Evropi - bjelorepana čiji raspon krila iznosi tri metra.

Sinonim za grabljivicu u BiH su orlovi, sokolovi i jastrebovi, ali pored njih tu su još lune, eje i škanjac.

BiH je raj za ptice

U Bosni i Hercegovini zvanično su registrovane 344 vrste ptica, a Hukić ističe da je naša zemlja raj za ovakvu vrstu životinja, jer ima sve ono što ih privlači.



Foto: A. K./Klix.ba

"Prema zvaničnim podacima državnih i međunarodnih agencija koje se bave promocijom ili istraživanjem biodiverziteta, naša zemlja predstavlja jednu od zemalja sa najvećom biološkom različitosti u Evropi. BiH kao zemlja koja ima različit geografski karakter je veoma pogodna za različite vrste ptica", navodi Hukić.

On je istakao i da je izuzetno važno da se BiH nalazi na direktnom jadranskom seobenom putu ptica selica, koji vodi od sjeverne, centralne i istočne Evrope, Balkanskog poluostrva, BiH, Jadranskog i Sredozemnog mora pa sve do Afrike.



Foto: Privatna arhiva

"Sve te ptice odmor pronalaze u dolini Neretve, Hutovom blatu, kraškim poljima... U tim momentima u BiH možete vidjeti neke vrste ptica koje uopće nisu prisutne kod nas, kao što su ždral, velika bijela čaplja, patke, grabljivice...", nadovezuje se Hukić.

Na desetinama lokacija na području sjeverne Bosne posebno se ističe sova, odnosno mala ušara koja je jedna od rijetkih vrsta ptice koja se okuplja u zimska jata, formirajući takozvana zimovališta. Njeno najveće zimovalište je u Bosanskom Šamcu kojeg naš sagovornik posjećuje od 2013. godine.



Foto: Privatna arhiva

"Tokom zime u parkovima u centrima gradova kao što su **Brčko**, Orašje, Šamac, Modriča, Gradiška i Srbac nalazi se na stotine sova i to je jedinstvena scena kojoj neko može svjedočiti. Način na koji vas one gledaju i ponašaju jednostavno pokazuje da nije u pitanju nikakva inferiorna vrsta. To su ptice koje love noću je im je tada izoštrjen sluh, što je nevjerovatno. Za malu ušaru je specifično da nijedna nije ista za razliku od drugih ptica", pojašnjava Hukić.



Foto: Privatna arhiva

Već tri godine naš sagovornik stvara bazu fotodokumentacije vezano za ovu vrstu sove, a u planu je izdavanje fotomonografije pod nazivom "Zimovalište male ušare u gradovima sjeverne Bosne", koja će svjetlost dana ugledati u toku 2019.

Prije dvije godine Hukić je stupio u kontakt i sa Orintološkim društvom "Naše ptice" iz Sarajeva čiji je postao član. Posebnu saradnju ostvario je sa Dražen Kotrošanom i Goranom Topićem iz ovog društva, kao i sa Jovicom Sjeničićem iz Društva za istraživanje i zaštitu biodiverziteta Republike Srpske.



Foto: Privatna arhiva

"Orintološko društvo 'Naše ptice' uradilo je niz projekata koji su vezani za promociju i zaštitu područja koja su važna za ptice. Urađen je i veliki broj edukacija lovaca, ribočuvara i institucija o koristi i zaštiti svih ptica koja nastanjuju ova područja. Najveći uspjeh su Hutovo blato i određena kraška polja, kao što je Livanjsko koje je proglašeno od međunarodnog značaja", kaže Hukić.

Svoj rad Hukić je javnosti dosad predstavio na samostalnoj izložbi u Trebinju, a svi koji nisu bili u prilici pogledati njegova djela to mogu učiniti posjetom [Facebook stranice "Birds of Bosnia - Almir Hukic"](#).

Mjesec kineske kulture



Brćanke protiv Tuzlanki 3:0



U okviru četrnaestog kola Premijer lige BiH za dame, odbojkašice ŽOK „Bimal Jedinstvo“ sinoć su, pred nešto više od stotinu navijača, pobijedile ekipu ŽOK „Sloboda“ iz Tuzle rezultatom 3:0 (po setovima 25:12, 25:10 i 25:10).

Publika u **Brčkom** pamti mnogo bolja izdanja tuzlanskog pogona od ranije, a pogotovo bolju sliku šampionske ekipe „Bimal Jedinstvo“.

Ipak, tri boda su osvojena i dopisana uz prethodnih 41, pa su Brćanke učvrstile prvu, a Tuzlanke petu poziciju na tabeli.

Odbojkaši brćankog „Jedinstva“ gostuju večeras u Kalesiji protiv „Bosne“, a odbojkaši „Mladosti“ su u Gacku.

[1]



[2]



[3]



[4]



[5]



[6]



[7]



[8]



[9]



[10]

Foto: Stjepan Bogutovac

Poliglota institut u Brčkom mjesto okupljanja i razvoja talenata

nedelja, 17 februar 2019 09:39

Autor **SrpskaInfo**

Kategorija: Vijesti **Brčko**^[1]



Atelje u **Brčkom** je otvoren izložbom slika članova likovne radionice Instituta Poliglota i bio je zaista premalen da primi sve posetioce.

– Deca su uradila fantastične slike i zaista su njihove mogućnosti velike. Napravili smo velike rezultate na jednom polju koje se tek razvija i ne znamo u šta će to tačno da pređe jer deca jako brzo napreduju. Oni su dokaz da rušim ostreotipe o njihovoj nezainteresovanosti jer pokazuju da su ambiciozna, intelektualna i da nastoje svoje snove ostvariti na najbolji način – rekla je Almedina Cifrić, magistar slikarstva i nastavnik likovne kulture otvarajući atelje. Prva izložba članova radionice u vlastitom ateljeu je peta po redu.

Učestvovali su na nekoliko likovnih kolonija, likovnom simpozijumu u Bijeljini i osvojili nekoliko nagrada na prestižnim likovnim takmičenjima.

– Za sve nas ovo je zaista jedan veliki odmor na kome radimo i učimo. Sve smo ovo zajednički napravili, od krečenja do formiranja slika i ramova. Zajedno pravimo akrilne boje, platna, učimo kako napraviti ram, zategnuti platno i slikati - pojašnjava Cifrićeva.

Dodaje da je u pripremi izložba „Brčanski motivi“ kojom će učestvovati u obeležavanju Dana Distrikta, a druga velika izložba koju spremaju je izložba renesansnih slika, piše Srpskainfo.

Radionicu pohađa oko 30 dece ali tu su i odrasli članovi koji su pomogli da se neugledno potkrovlje preuredi u atelje.

– Sada smo veoma zadovoljni prostorom i osim učenja likovnih tehnika ovde imamo mogućnosti da se družimo. Ovo je svojevrsna socijalizacija dece i odraslih - rekla je Gabrijela Ljoljić Đurđević.

Tara Bajić je četvrti razred Prve osnovne škole i na likovne radionice dolazi godinu dana,

– Dolazim tri puta sedmično po tri sata i naučila sam mnogo, a ovde su izložene dve slike koje sam uradila – kaže Tara.

Svoje radove pokazala je i Teodora Topić koja kaže da joj radionica pomaže da njen talenat dođe do izražaja, a Petar Petrović i Zdravko Gojković učenici šestog razreda Prve osnovne škole došli su na časove slikanja prije par sedmica i kažu da im se veoma dopalo učenje i druženje.

– Nakon nepune tri godine postojanja sa ponosom mogu da kažem da je to sada jedan edukativni centar kroz koji godišnje prođe oko 350 dece angažovane na različitim aktivnostima – kaže Sandra Dobrijević, jedan od osnivača Poliglota instituta.

Zajedno sa Vesnom Mijatović, kao nezaposlene profesorke engleskog jezika došle su na ideju da otvore školu stranih jezika, ali su kako kažu, osluškajući potrebe grada htele nešto više.

– Zahvaljujući saradnji sa profesorom Rankom Rajevićem postali smo jedini NTC centar za darovitu decu u **Brčkom**. Prvi naš veliki uspeh su bili „Super ljudi“ jer su svih šest učesnika iz **Brčkog** bila deca iz Poliglote - kaže Dobrijevićeva. Dodaje da su nakon toga otvorili dramski studio i prošle godine su jedini iz BiH učestvovali na „Glumijadi“ u Beogradu.

– Sve što radimo objedinili smo u „veseli boravak“ za decu od četiri godine do četvrtog razreda osnovne škole. Specifičnost je u tome što deca svakodnevno imaju neku drugu aktivnost. Oni uče engleski i nemački, na dramskim radionicama vežbaju izgovor, dikturu samopuzdanje, imaju radionice slikanja i programiranja. Balet je aktivnost koja je u pivoju i oko koje se okupilo oko 30 devojčica, a uskoro nameravamo pokrenuti rekreativni balet za koji takođe postoji veliko zanimanje – kaže Dobrijevićeva.

Brčko: Radovi na Gradskom stadionu počinju u aprilu

nedjelja, 17 februar 2019 09:51

Autor Glas Srpske

Kategorija: Vijesti Brčko^[1]



Ljubitelji fudbala u Brčkom uskoro bi mogli doći na svoje, jer je Vlada ovog grada odobrila 5,5 miliona maraka za rekonstrukciju brčanskog stadiona.

Tako bi “Skadar na Savi”, kako odmila zovu Gradski stadion u Brčkom, konačno mogao dobiti bar približno planirani izgled kao što je bio na idejnom rješenju napravljenom još 2004. godine. Tada je i počela gradnja, ali je ona nedugo potom stala, a stadion načet zubom vremena počeo da predstavlja gradsko ruglo. Međutim, dolaskom nove uprave u Fudbalski klub Jedinstvo sa Radojicom Božićem na čelu, stvari su od prošle jeseni krenule nabolje.

- Prvo smo morali sve to da okrićimo, jer je bilo poprilično zapušteno. Napravili smo zid na zapadnoj tribini i počeli smo da koliko-toliko stvaramo uslove za normalan rad - naglasio je sekretar Jedinstva Rade Cvetković.

Po prvobitnim planovima od prije petnaestak godina, zamišljeno je da Brčko dobije veleljepan sportski stadion čiji bi kapacitet bio 16.000 sjedećih mjesta.

- U dogovoru sa čelnicima Brčkog, gradonačelnikom Sinišom Milićem i predsjednikom Skupštine Esedom Kadrićem, za početak će se raditi samo zapadna tribina. Očekujemo da radovi krenu početkom aprila i da do početka naredne sezone bude završena, a njen kapacitet bi trebalo da bude oko 6.000 mjesta. Uporedo će se na istoku podići montažna tribina, koja bi već naredne godine trebalo da preraste u betonsku i njen kapacitet

biće oko 1.500 mjesta - rekao je Božić.

Za sada nisu planirani radovi na uređenju atletske staze i terena.

- Zbog kranova, dizalica, ali i druge motorizacije sadašnja atletska staza biće pod stalnim opterećenjem pa je plan da se i ona radi naredne godine i imala bi tartan podlogu. Teren nam je u prilično dobrom stanju, ali smo za 2020. godinu planirali postavljanje novog busenja i onda bi stadion u **Brčkom** imao reprezentativan izgled - nastavio je Božić.

Jedinstvo 7. aprila ove godine proslavlja 100 godina postojanja i povodom velikog jubileja predviđene su brojne manifestacije.

- Već je dogovoreno da sve to bude ostavljeno za kraj sezone. Osim svečane akademije, na kojoj bismo se prisjetili svih onih koji su kroz klub prošli za 100 godina, planirali smo i da odigramo niz utakmica sa renomiranim ekipama. Već smo imali kontakte sa Crvenom zvezdom, Rijekom i jednom španskom ekipom. Imamo obećanja da će slobodne termine iskoristiti za dolazak u **Brčko**. Postoji čak ideja i da bude odigran turnir prijateljstva, kojim bismo obilježili vijek postojanja, a nadam se i proslavili povratak među prvoligaše Srpske - dodao je Božić.

Ambicije

Prvi dio sezone u Drugoj ligi Republike Srpske, grupa istok, fudbaleri Jedinstva završili su na liderskoj poziciji sa dva boda više od trebinjskog Leotara. Ambicije nekadašnjeg drugoligaša bivše Jugoslavije su da se poslije dosta sušnih godina vrati na prvoligašku scenu.

- Nismo daleko od cilja, a vjerujem da je ova ekipa sposobna da u bici sa Leotarom sačuva prvo mjesto. Sve je podređeno tom cilju, jer **Brčko** zaslužuje da ima prvoligaša, a vjerujem kroz nekoliko godina i premijerligaša - naglasio je predsjednik Jedinstva Radojica Božić.

(Glas Srpske)